



Na osnovu člana 22 Statuta Brčko distrikta Bosne i Hercegovine - prečišćeni tekst (Službeni glasnik Brčko distrikta BiH, broj 2/10) Skupština Brčko distrikta Bosne i Hercegovine, na 12. redovnoj sjednici održanoj 15. jula 2021. godine, usvaja

**ZAKON
O IZMJENAMA I DOPUNAMA
ZAKONA O SLUŽBENICIMA I NAMJEŠTENICIMA
U PRAVOSUĐU BRČKO DISTRIKTA BOSNE I HERCEGOVINE**

Član 1

U Zakonu o službenicima i namještenicima u pravosuđu Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 48/18, 1/19 i 32/19), u članu 6 stavu 1 tačke b), c) i i) mijenjaju se i glase:

„b) platu i druga materijalna prava u skladu s ovim i posebnim zakonom.“

„c) jednako postupanje i jednake mogućnosti nagrađivanja u skladu s rezultatima svog rada, kao i na pravnu zaštitu i usavršavanje;“

„i) otpremninu u slučaju:

- 1) prestanka radnog odnosa usljed prekobrojnosti u skladu s odredbom člana 109 stava 7 ovog zakona;
- 2) navršenja potrebnih godina života i staža osiguranja u skladu s posebnim propisima kojima se reguliše penzijsko-invalidsko osiguranje;
- 3) utvrđivanja potpunog gubitka radne sposobnosti službenika, odnosno namještenika;
- 4) utvrđivanja trajne nesposobnosti za obavljanje poslova radnog mjesta na kojem se zaposleni nalazi pod uslovom da poslodavac nije u stanju da premjesti službenika, odnosno namještenika na drugo odgovarajuće radno mjesto.“

Član 2

U članu 27 stavu 1, iza tačke d) dodaju se nove tačke e) i f) koje glase:

„e) da nije osuđivano za krivično djelo na kaznu zatvora u trajanju dužem od šest mjeseci.

f) da nije osuđivano za:

- krivično djelo iz oblasti korupcije;
- krivično djelo protiv pravnog saobraćaja;
- drugo krivično djelo koje ga čini nedostojnim za vršenje službe u pravosuđu.“

Dosadašnje tačke e), f) i g) postaju tačke g), h) i i).

Član 3

Iza člana 34a dodaje se novi član 34b koji glasi:

**„Član 34b
(Kandidati bez radnog iskustva)**

(1) Pravosudna komisija, na prijedlog rukovodioca pravosudne institucije, posebnom odlukom utvrđuje listu radnih mjesta za koja se, kao poseban uslov za zasnivanje radnog odnosa, ne zahtijeva potrebno radno iskustvo.

(2) U skladu s odlukom iz stava 1 ovog člana, rukovodilac pravosudne institucije pravilnikom o unutrašnjoj organizaciji i sistematizaciji radnih mjesta u pravosudnoj instituciji utvrđuje radno mjesto za koje se, kao poseban uslov za zasnivanje radnog odnosa, ne zahtijeva potrebno radno iskustvo.

(3) Odlukom iz stava 1 ovog člana ne mogu se obuhvatiti radna mjesta iz člana 25 stava 1 tački a), b) i c) ovog zakona.

(4) Popunjavanje radnih mjesta iz stava 1 ovog člana vrši se putem javnog konkursa, po proceduri propisanoj Pravilnikom o zapošljavanju.

(5) Kandidati koji nemaju potrebno iskustvo mogu konkurisati i mogu biti izabrani na radno mjesto iz stava 1 ovog člana.“

Član 4

U nazivu Poglavlja XIII NAPREDOVANJE I NAGRAĐIVANJE, riječi: „NAPREDOVANJE I“ se brišu.

Član 63 se briše.“

„Član 4a

U članu 65 Zakona o službenicima i namještenicima u pravosuđu Brčko distrikta BiH (Službeni glasnik Brčko distrikta BiH, brojevi: 48/18, 1/19 i 32/19), stav 2 se briše.“

Dosadašnji stav 3 postaje stav 2.

Član 5

U članu 76 iza stava 1 dodaje se novi stav 2 koji glasi:

„(2) Osim prava iz stava 1 ovog člana službenik ili namještenik ima pravo i na plaćeno odsustvo u slučaju svakog dobrovoljnog davanja krvi, dva radna dana.“

Dosadašnji stav 2 postaje stav 3.

Član 6

Član 82 mijenja se i glasi:

**„Član 82
(Rad van radnog vremena)**

„(1) Za rad van radnog vremena službenici, odnosno namještenici imaju pravo na novčanu naknadu ili kompenzaciju u slobodnim danima srazmjerno vremenu provedenom u radu komisije uvećanom za 25 %.

(2) Novčana naknada iz stava 1 ovog člana utvrđuje se kao mjesečna naknada koja ne može preći iznos od 10% prosječne bruto plate zaposlenih u pravosuđu isplaćene za mjesec koji prethodi mjesecu u kojem se isplaćuje naknada.

(3) Disciplinski tužilac i zamjenik disciplinskog tužioca imaju pravo na novčanu naknadu za rad bez pribavljanja saglasnosti Pravosudne komisije, ukoliko se njihov rad obavlja van radnog vremena.

(4) Izuzetno od stavova 1 i 2 ovog člana, naknada za rad disciplinskog tužioca i zamjenika disciplinskog tužioca utvrđuje se u iznosu do 20% (dvadeset posto) od prosječne bruto plate zaposlenih u pravosuđu isplaćene u mjesecu koji prethodi mjesecu u kojem se isplaćuje naknada, a naknada za rad predsjedniku, zamjeniku predsjednika i članu Disciplinske komisije utvrđuje se u iznosu do 15% (petnaest posto) od prosječne bruto plate zaposlenih u pravosuđu isplaćene u mjesecu koji prethodi mjesecu u kojem se isplaćuje naknada.

(5) Naknada za rad zapisničara disciplinske komisije utvrđuje se u iznosu do 5% od prosječne bruto plate zaposlenih u pravosuđu isplaćene u mjesecu koji prethodi mjesecu u kojem se isplaćuje naknada.

(6) Kriterije za utvrđivanje visine naknada iz stavova 4 i 5 ovog člana utvrđuje Pravosudna komisija posebnom odlukom.“

Član 7

U članu 93 Zakona o službenicima i namještenicima u pravosuđu Brčko distrikta BiH (Službeni glasnik Brčko distrikta BiH, brojevi: 48/18, 1/19 i 32/19), u stavu 2, briše se tačka c).

Dosadašnja tačka d) u stavu 2 člana 93, postaje tačka c).“

Član 8

U članu 116 stavu 1 tački g) briše se interpunkcijski znak „;“ i dodaju riječi:

„ili da je osuđen za:

- krivično djelo iz oblasti korupcije;
- krivično djelo protiv pravnog saobraćaja;
- drugo krivično djelo koje ga čini nedostojnim za vršenje službe u pravosuđu.“

Član 9

U članu 138 stavu 1 riječ: “tri” zamjenjuje se riječju: ”četiri”.

Član 10

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-3146/21
Brčko, 15. 7. 2021. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić